

Ulrich Zoller, Bürger von Feldkirch, bittet Bischof Heinrich von Chur, die Verleihung der durch Resignation von Heinrich Fromberger freigewordenen Pfarrkirche St. Gallus in Triesen an Michael Nägeli zu bestätigen.

Or. (A), Bischöfliches A Chur, 015.2002. – Pg. xx/xx (Plica xx) cm. – Siegel von Ulrich Zoller abh., besch.

l¹ Dem^{a)} hochwirdigen fursten inngott herren, herren Heinrichen, bischoue zû Chur,¹ oder seiner gnaden gaistlichen vicarien oder verwalter zû diser l² zeytt des bistumbs daselbs, meinem besondernn gnedigenn liebenn herrenn embütt ich Vlrich Zoller, burger zû Veltkirch², mein gehorsam vnnd willig dienst l³ allzitt zûuor. Als dann die pfarrkirchen sannt Gallenn zû Trisa³ vnnder Güttemberg⁴ ewrs bistumbs vnnd meiner lehenschafft durch herren Heinrichenn l⁴ Fronnberger, der berürten pharr letzten besitzer, dem ersamen herren Micheln Nägelin, briester Brixssner⁵ bistumbs, mit mein als patrons vnnd rechtenn l⁵ lehennherrenns willenn vnnd wissen resigniert vnnd vbergeben ist wordenn, lawtt des innstruments darüber vsgegangen. Also hab ich denselbenn herrnn l⁶ Micheln dem nach vnnd vff sonnder fürbeth vnnsers allergnedigistenn herren Römischer künglicher mayestat⁶ vnnd annderer darzû fürgenomen. Den ich l⁷ auch ewererhochwirdigkaitenn gegenwirtiglichen mit disem meinem offenbrief presentier vnnd antwurt mit besonderm vleyss bittennd, die wöllenn l⁸ den benannten herrenn Micheln Negelin oder seinen procuratorn annseiner stat derselbenn pharrkirchenn halbenn mitsamtb allen renntten, zinsenn l⁹ vnnd annderm darzû gehörende einsetzen vnnd darawff bestättenn, wie dann insolhem sitt vnnd gewonnhait ist. Das wil ich vmb ewer gnadn l¹⁰ hochwirdigkait gehorsarmlich vnnd williglichen verdienen. Geben vnnder meinem hieangehenckten innsigel, besigelt am sonntag ansant l¹¹ Annthönngen des heiligenn abbts tag nach Cristi vnnsers liebenn herren geburt tawsennt fünfhundert vnd ain jare.

^{a)} *Initiale D xx/xx cm gross.*

¹ *Heinrich von Hewen (Hohenhewen, nw. Singen BW), 1491-1505. – ² Feldkirch, Vorarlberg (A). – ³ Pfarrkirche St. Gallus in Triesen. – ⁴ Burg Gutenberg, Gem. Balzers. – ⁵ Brixen, Trentino-Südtirol (I). – ⁶ Maximilian I., *1459-†1519, ab 1486 römisch-deutscher König, ab 1508 Kaiser.*